



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXV. Indulgentia plen. pro Ecclesiis Ordin. Sancti Basilii.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

illis inviolabiliter observari: Sicque in præmissis per quoscumque iudices Ordinarios, & Delegatos, etiam causarum Palatii Apostolici Auditores, iudicari, & diffiniri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus se. rec. Clementis Papæ VIII. Prædecessoris nostri, quæ incipit: *Admonet Nos &c.* aliisque Constitutionibus, & Ordinationibus Apostolicis, necnon Congregationis, Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die I. Februar. MDCCVI. Pontificatus nostri anno Sexto.

LXIV.

Extenditur Indultum recitandi divina officia ritu latino, necnon Sanctorum Ordinis S. Basilii ad Monachos, & Moniales Ritus Latini ejusdem Ordinis.

Hoc indultum concessum fuit Monialibus Messanen. Const. ed. 1703., Feb. 17. P. 3. Et Const. ed. 1706. Jun. 15. P. 6. conceditur Indulgentia plen. perp. pro omnibus Ecclesiis.

Dat. 26. Mar. 1706. An. 6.

CLEMENS PAPA XI.

Ad futuram rei memoriam.

Rationes pro extensione præd. Indulti.

Cum sicut dilectus filius Petrus Menniti Abbas Generalis Ordinis Sancti Basilii Magni Nobis nuper exponi fecit, alias per Decretum infra scriptæ Congregationis Cardinalium, quod subinde a Nobis per quasdam nostras desuper in simili forma Brevis die XVII. Februarii 1703. expeditas literas confirmatum fuit, Abbatissæ, & Monialibus Monasterii Sancti Salvatoris Philantropos nuncupati Civitatis Messanen. ejusdem Ordinis indultum fuerit, ut relicto ritu Græco in posterum divina officia ritu Latino ad præscriptum Breviarii Romani, necnon Sanctorum ejusdem Ordinis, quæ a Sede Apostolica Monialibus alterius Monasterii ejusdem Sancti Salvatoris Civitatis Panormitan. recitandi facultas concessa fuit, recitare possent, & valerent, prout in dictis literis uberius continetur; ipse vero Petrus Abbas Generalis, quo de cætero uniformitas in Divina Psalmodia servetur Indultum hujusmodi tam ad Monachos, quam Moniales eorumdem Ordinis, & Ritus Latini, quemadmodum in aliis Regularibus Ordinibus, qui inter se ejusmodi gratias spirituales communicare solent, extendi plurimum desideret. Nos piis dicti Petri Abbatis Generalis votis quantum cum Domino possumus favorabiliter annuere volentes, ac ipsius, & Monachorum, ac Monialium hujusmodi singulares personas a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & penis a jure, vel ab homine quavis occasione, vel causa latis. Si quibus quomodolibet innodatæ existunt ad effectum præsentium dumtaxat consequendum harum ferie absolventes, & absolutas fore censentes, supplicationibus ejus nomine Nobis super hoc humiliter porrectis incli-

Preces Abbat. Gen.

nati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, Indultum prædictum ad omnes, & singulos Monachos, & Moniales Ritus Latini quorumcumque Monasteriorum dicti Ordinis auctoritate Apostolica tenore præsentium extendimus, & ampliamus, salva tamen semper in præmissis auctoritate dictæ Congregationis Cardinalium.

§. 1. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, in omnibus, & per omnia plenissime suffragari: sicque in præmissis per quoscumque iudices Ordinarios, & Delegatos, etiam Casuarum Palatii Apostolici Auditores iudicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, Monasteriorum, & Ordinis prædictorum aliisque quibusvis, etiam juramento, confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die XXVI. Martii MDCCVI. Pontificatus nostri Anno Sexto.

Conceditur Indulgentia plen. perp. pro Ecclesiis Monachorum S. Basilii in festo ejusdem Sancti.

LXV.

Const. ed. 1706. Mar. 26. P. 6. extensum fuit Indultum recitandi divina Officia ritu Latino. Et Const. ed. 1726. Jun. 12. P. 2. agit de confirmatione Abbatis Generalis.

CLEMENS PAPA XI.

Ad perpetuam rei memoriam.

Injunctæ Nobis divinitus Apostolicæ servitutis ratio postulat, ut cælestium munerum Thefauros dispensationi nostræ a Domino creditos fideliter erogemus, cum id ad augendam in terris Sanctorum in Cælis cum Christo regnantium venerationem, excitandamque, & confovendam erga illos fidelium devotionem, ac ad animarum salutem speramus in Domino profuturum.

Exordium.

§. 1. Supplicationibus itaque dilecti filii moderni Procuratoris Generalis Ordinis S. Basilii Magni nomine Nobis super hoc humiliter porrectis inclinatis, ac de Omnipotentis Dei misericordia, ac Beatorum Petri, & Pauli Apostolorum ejus auctoritate confisi omnibus, & singulis utriusque sexus Christianis vere pœnitentibus, & confessis, ac Sacra Communionem refectis, qui aliquam ex Ecclesiis quorumcumque Monasteriorum dicti Ordinis tam hæcenus erectis, quam in posterum quandocumque erigendis, ac ubicumque locorum existentibus die festo ejusdem Sancti Basilii a primis vespere usque ad occasum solis diei hujusmodi annis singulis devote visitaverint, & ibi pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum

Preces Procuratoris Gen.

Concessio præd. Indulg.

preces

preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Clausula.

§. 2. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus habetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die XV. Junii MDCCVI. Pontificatus nostri Anno Sexto.

LXVI.

Conceditur Indulgentia plen. perp. pro Ecclesiis Ord. Militaris Crucigerorum cum rubea Stella in festo Exaltationis S. Crucis.

Inn. XII. Const. ed. 1695. Jul. 23. P. 5. confirmata fuerunt privilegia. Et Bened. XIII. Const. ed. 1724. Aug. 4. P. 1. extat translatio Indulgentiæ.

Dat. 28. Aug. 1706. An. 6.

CLEMENS PAPA XI.

Universis Christianis fidelibus presentes literas inspecturis, Salutem, & Apostolicam Benedictionem.

Preces Magni Magistri.

AD augendam fidelium Religionem, & animarum salutem cælestibus Ecclesiæ thesauris pia charitate intenti, ac supplicationibus dilecti filii moderni Magni Magistri Ordinis Militaris Crucigerorum cum rubea Stella per Bohemiam, Silesiam, Moraviam, & Poloniam, existen. sub regula Sancti Augustini nomine Nobis super hoc humiliter porrectis inclinati, omnibus, & singulis utrinque sexus Christianis vere penitentibus, & confessis, ac Sacra Communione refectis, qui aliquam ex Ecclesiis dicti Ordinis in eisdem Regnis, & Provinciis existentibus die festo Exaltationis Sanctæ Crucis a primis Vesperis usque ad occasum solis festi hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Concessio præd. Indulg.

Clausula.

§. 1. Volumus autem, ut ipsarum præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXVIII. Augusti MDCCVI. Pontificatus nostri Anno Sexto.

LXVII.

Confirmatur Decretum Congregationis Episc. & Reg. de servanda Constitutione Inn. XI. pro divisione Provinciæ Poloniæ Ordinis B. M. Montis Carmeli.

Laudata Const. ed. fuit 1687. Jun. 27. Et Bened. XIII. Const. ed. 1725. Jul. 21. P. 1. confirmatur decretum pro pace in Provincia Poloniæ.

Dat. 9. Oct. 1706. An. 6.

CLEMENS PAPA XI.

Ad futuram rei memoriam.

Refertur hujusmodi divi-

Nuper pro parte dilectorum filiorum Prioris Provincialis, Definitorum, ac Superio-

rum Provinciæ Russiæ Sancti Josephi Ordinis Fratrum Beatæ Mariæ de Monte Carmelo in Regno Poloniæ Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod cum Provincia Poloniæ, quæ omnes Conventus dicti Ordinis in illis partibus existentes comprehendebat, propter ejus amplitudinem ab uno Priore Provinciali quotannis, quinimo singulis trienniis commode, & ea, qua par erat, cura visitari non valuisset, in Capitulo Generali ejusdem Ordinis tunc celebrato, hac, aliisque rationibus mature perpensis, decretum fuerat, eandem Provinciam Poloniæ in duas dividendam, unde bon. mem. Paulucius S. R. E. Presbyter Cardinalis de Alteriis nuncupatus, dum vixit Ordinis prædicti apud Sanctam Sedem Apostolicam Protector, in vim facultatis ei super hoc per Rescriptum sel. rec. Innocentii Papæ XI. Prædecessoris nostri attributæ per suum Decretum die 7. Junii 1687. editum divisionem Provinciæ prædictæ in duas a se invicem distinctas Provincias fecerat, assignatis utrique earum suis respective Conventibus, & cum diversis ordinationibus earumdem Provinciarum statui, & utilitati, ac felici progressui congruentibus, quod quidem Decretum dictus Innocentius Prædecessor per quasdam suas desuper in simili forma Brevis die 27. eorundem Mensis, & anni expeditas literas, toto illius tenore inserto confirmaverat. Et in eadem expositione subjuncto, quod in novissimo Capitulo Generali Ordinis hujusmodi in Alma Urbe nostra celebrato tunc existentes Priores Provinciales Provinciarum Poloniæ, & Russiæ sine consensu eorundem Provinciarum pro illarum reunionem insisterant; Ipsi vero Exponentes renunciationi hujusmodi sese opposuerunt, & proinde dictas Innocentii Prædecessoris literas præfati Decreti Paulucii Cardinalis, & Protectoris confirmatorias etiam confirmari plurimum cupiebant: Emanavit a præfata Congregatione Cardinalium Decretum tenoris, qui sequitur, videlicet - Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, audito Patre Procuratore Generali Ordinis, referente Eminentissimo Flisco, censuit, ac decrevit, servandum esse enunciatum Breve, & imponendum perpetuum silentium, prout præsentis Decreti vigore servari mandat. Romæ X. Septembris MDCCVI. - G. Card. Carpineus - Ferdinandus Archiepiscopus Nicen. Secretarius.

fit in Provinciam Poloniæ & Russiæ, atque ejus confirmatio ab Inn. XI. facta.

IVXXI

Causæ Congreg. Episc. & Reg.

Decretum præd.

Preces Provinciæ Russiæ.

Confirmatio relati Decreti.

Clausula.